

PSALM 8 : Lof aan die Skepper

Vir die koorleier met musiek. 'n Psalm van Dawid.

Refrein = Teks: TT Cloete 2001. Melodie: *Daar is geen land* – SJ de Villiers 1937

Refrein



Almal: Here, ons Here, hoe wonderbaar is u Naam oor die hele aarde,
hoe glansryk alles wat U in die hemelruim geplaas het.

Vroue: Kinders en suigeling besing die magtige werk wat U tot stand gebring het.

Mans: So word u teëstanders, die vyande en wraakgieriges, tot swye gebring.

Refrein: Hoe wonderbaar, o Here, is u Naam.

Almal: As ek u hemel aanskou, die werk van u vingers,
die maan en die sterre waaraan U 'n plek gegee het,
wat is die mens dan dat U aan hom dink, die mensekind dat U na hom omsien?

Vroue: U het hom net 'n bietjie minder as 'n hemelse wese gemaak
en hom met aansien en eer gekroon.

Mans: U laat hom heers oor die werk van u hande, U het alles aan hom onderwerp:

Vroue: Skape en beeste, alles;

Mans: selfs die diere in die veld,

Vroue: die voëls in die lug,

Mans: en die visse in die see wat die oseane deurkruis.

Almal: Here, ons Here, hoe wonderbaar is u Naam oor die hele aarde.

Refrein: Hoe wonderbaar, o Here, is u Naam.